

| | | |
|---|---|-----------------|
|  | <h1>SLUŽBENE NOVINE OPĆINE GORAŽDE</h1> | |
| Godina - V | 02. april 2012. godine GORAŽDE | Broj - 4 |

0803

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i člana 119. Poslovnika Općinskog vijeća Općine Goražde („Službene novine Općine Goražde“, broj 2/08), Općinsko vijeće Općine Goražde, na 39. redovnoj sjednici, održanoj dana 22.03.2012. godine,

d o n o s i:

O D L U K U

**o dodjeli nagrade Općine Goražde
učenicima i studentima, mladima i udruženjima
mladih sa područja općine Goražde**

Član 1.

Ovom Odlukom utvrđuje se nagrada Općine Goražde, novčana nagrada, učenicima i studentima, mladima i udruženjima mladih sa područja općine Goražde.

Član 2.

Nagrade se dodjeljuju učenicima i studentima sa područja općine Goražde koji su ostvarili nadprosječne rezultate iz oblasti obrazovanja, kulture, sporta i drugih djelatnosti, te mladima i udruženjima mladih sa područja općine Goražde za omladinski aktivizam i doprinos u poboljšanju položaja mladih u općini Goražde.

Član 3.

Nagrade se dodjeljuju svake godine putem javnog oglasa, a uručuju se 21. marta na Dan mladih općine Goražde.

Član 4.

Ovlašćuje se načelnik Općine Goražde i Komisija za pitanja mladih da pravilnikom utvrde kriterije za utvrđivanje prijedloga za dodjelu, postupak dodjele, uvjete i način dodjele kao i broj i visinu novčane nagrade, kao i druge vidove nagrada iz člana 3. ove Odluke.

Član 5.

Sredstva za ovu namjenu bit će obezbijedena u Budžetu Općine Goražde na ekonomskom kodu 614 324 – Grant za mlade.

Član 6.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-1662

Goražde, 22.03.2012.godine

PREDSJEDAVALA VIJEĆA

Vesna Marić

0804

Na osnovu člana 66. Zakona o građevinskom zemljištu Federacije Bosne i Hercegovine („Službene novine Federacije BiH“, broj: 25/03) i člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na 39. redovnoj sjednici, održanoj dana 22.03.2012. godine,

d o n o s i:

O D L U K U

**o utvrđivanju prosječne konačne cijene 1 m²
izgrađene korisne stambene
površine za 2012. godinu na području Općine
Goražde**

Član 1.

Ovom se Odlukom utvrđuje prosječna konačna cijena 1 m² izgrađene korisne stambene površine za 2012. godinu na području općine Goražde u visini od 890,00 KM.

Član 2.

Utvrđena cijena korisne stambene površine iz člana 1. ove Odluke služi kao osnovica za izračunavanje naknade za pogodnosti građevinskog zemljišta (rente), ovisno o zonama zemljišta utvrđenih posebnom odlukom.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-1-1650

Goražde, 22.03.2012. godine

PREDSJEDAVALA VIJEĆA

Vesna Marić

0805

Na osnovu člana 2. stav 1. tačka 5, člana 3. stav 1. i člana 6. stav 1. Zakona o komunalnim djelatnostima („Službeni list SR Bosne i Hercegovine“, broj: 20/90), kao i člana 8. stav 3. alineja 11, člana 13. Zakona o principima lokalne samouprave („Službene novine Federacije BiH“, broj: 49/06) i članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na 39. redovnoj sjednici, održanoj dana 22.03.2012. godine, **d o n o s i:**

O D L U K U**o dopuni Odluke o komunalnoj čistoći****Član 1.**

Iza člana 70. Odluke o komunalnoj čistoći („Službene novine Bosansko-podrinjskog kantona Goražde“, broj: 10/99 i „Službene novine Općine Goražde“, broj: 17/10), dodaje se član 70. koji glasi:

Član 70-a

„U vršenju nadzora nad provođenjem Odluke o komunalnoj čistoći komunalnom inspektor pomažu eko-redari.

Eko-redari su ovlaštteni da vrše uviđaj na licu mjesta i sačine zapisnik o utvrđenom stanju te da prikupljaju druge dokaze o počinjenom prekršaju,

kao i o počinocu prekršaja, koje dostavljaju komunalnom inspektor radi daljeg postupanja.

Eko-redari imaju uniforme čiji će izgled odrediti načelnik Općine Goražde, na kojim mora biti jasno istaknuta oznaka „eko-redar“.

Član 2.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-1651

Goražde, 22.03.2012. godine

PREDSJEDAVALA VIJEĆA

Vesna Marić

0806

Na osnovu stava 1. člana 107. i člana 108. Zakona o poljoprivrednom zemljištu („Službene novine Federacije BiH“, broj 59/09), člana 6. Pravilnika o uvjetima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije BiH“, broj 78/09) te na osnovu člana 8. Programa raspolaganja poljoprivrednim zemljištem u vlasništvu države na području općine Goražde („Službene novine Općine Goražde“, broj 10/10), članova 18. i 84. stav 1. Statuta Općine Goražde („Službene novine Bosansko-podrinjskog kantona Goražde“, broj 13/07), Općinsko vijeće Općine Goražde, na 39. redovnoj sjednici, održanoj dana 22.03.2012. godine, **d o n o s i:**

ODLUKU**O RASPISIVANJU JAVNOG POZIVA ZA ZAKUP POLJOPRIVREDNOG ZEMLJIŠTA U VLASNIŠTVU DRŽAVE NA PODRUČJU OPĆINE GORAŽDE****Član 1.**

Odobrava se raspisivanje javnog poziva za davanje u zakup na određeno vrijeme, na rok od 10 (deset) godina, za ratarsko-povrtlarsku proizvodnju, poljoprivredno zemljište u vlasništvu Općine Goražde, koje se u katastarskom operatu vodi kao **oranica**, po sljedećim katastarskim općinama:

KO Goražde II: k.č.: 702 i 1075/4 u ukupnoj površini 176 m²

KO Mravinjac: k.č.: 3963 ukupne površine 618 m²

KO Vranići : k.č.: 6080, 6087 u ukupnoj površini 1174 m²

KO Bučje: k.č.: 130 u ukupnoj površini 515 m²

KO Podkozara: k.č. 950 u ukupnoj površini 760 m²

KO Podhranjen: k.č. 234 u ukupnoj površini 489 m²

KO Kreča: k.č.: 2940 i 3107 u ukupnoj površini 3.303 m²

Početna cijena utvrđuje se u iznosu 0,015 KM/ m² godišnje.

Član 2.

Odobrava se raspisivanje javnog poziva za davanje u zakup na određeno vrijeme, na rok 25 (dvadeset pet) godina, za voćarsku proizvodnju, poljoprivredno zemljište u vlasništvu Općine Goražde koje se katarstaskom operatu vodi kao **voćnjak** u katarstaskim općinama:

KO Goražde I: k.č: 1720/18, u ukupnoj površini od 326 m²

KO Goražde II: k.č.: 190, 587/3 i 1022/2 u ukupnoj površini od 12.469 m²

KO Orahovice: k.č: 403, 420/2, 431/1, 431/3 i 4556, u ukupnoj površini 20.037 m²

KO Podkozara: k.č. :288, 850, 915. 917, 920, 951 i 952, u ukupnoj površini 29.081 m²

KO Novakovići: k.č: 165, 766, 1154, 1155, 2832, 2893/1, 2894/2, 2978 i 3065, u ukupnoj površini 19.474 m²

KO Plovača: k.č.: 3292, u ukupnoj površini 2.312 m².

KO Bučje: k.č.: 1492/2 u ukupnoj površini 67 m²

KO Berič: k.č.: 2339 u ukupnoj površini 200 m²

KO Kreča: k.č.: 856 u ukupnoj površini 503 m²

KO Vranići: k.č.: 4067, 4075 u ukupnoj površini 221 m²

Početna cijena utvrđuje se u iznosu 0,015 KM/m² godišnje.

Član 3.

Odobrava se raspisivanje javnog poziva za davanje u zakup na određeno vrijeme, na rok od 10 (deset) godina, za ratarsko-stočarsku proizvodnju, (spremanje sijena i ispašu) poljoprivredno zemljište u vlasništvu Općine Goražde koje se katarstaskom operatu vodi kao **livada** po sljedećim katastarskim općinama:

KO Goražde II: k.č.: 149/1, 212, 215 i 374, u ukupnoj površini od 9.154 m²

KO Mravinjac: k.č.: 1290, u ukupnoj površini 651 m²

KO Podkozara: k.č.: 707, 677, 918, 953 i 1118, u ukupnoj površini 15.952 m²

KO Hadžići: k.č.: 71, 396, 1192, 1778 i 1789. u ukupnoj površini 65.063 m²

KO Kreča: k.č.: 10. 1291, 1489, 2389, 2392, 2392, 2394, 2400, 2438, 2464,2467, 2468, 2526, 2538, 2558, 25690, 2612, 2620, 2641, 2703, 2942, 3074, 3161, 3172, 3177, 3181, 3230, 3231, 3240, 3242, 3360 i 3443, u ukupnoj površini 244.901 m²

KO Berič: k.č.: 1469 u ukupnoj površini 798 m²

K.O Novakovići: k.č: 910, u ukupnoj površini 629 m²

KO Plovača: k.č. : 2071, 5025 u ukupnoj površini 2.541 m².

KO Vranići: k.č.: 4783 u ukupnoj površini 549 m²

Početna cijena utvrđuje se u iznosu 0,010 KM/m² godišnje.

Član 4.

Dodjela zemljišta iz člana 1, člana 2. i člana 3. vršit će se fizičkim i pravnim licima prema iskazanim potrebama.

Član 5.

Zadužuje se načelnik Općine da propiše uvjete, kriterije i način dodjele poljoprivrednog zemljišta iz člana 1, člana 2. i člana 3. ove Odluke.

Član 6.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj : 01-02-1-1649

Goražde, 22.03.2012. godine

PREDSJEDAVALJUĆA VIJEĆA

Vesna Marić

0807

ODLUKA

O IZMJENAMA PROGRAMA RASPOLAGANJA POLJOPRIVREDNIM ZEMLJIŠTEM U VLASNIŠTVU DRŽAVE NA PODRUČJU OPĆINE GORAŽDE

Član 1.

U članu 3. Programa raspolaganja poljoprivrednim zemljištem u vlasništvu države na području općine Goražde mijenja se tabela 3. novom tabelom koja glasi:

Tabela 3.

| Katastarska općina | Oranice | Voćnjaci | Livade | Pašnjaci | Ukupno m ² |
|------------------------------|--------------|---------------|----------------|----------------|--------------------------|
| KO Goražde I | - | 326 | - | 2.342 | 2.668 |
| KO Goražde II | 176 | 12.469 | 10.154 | 31.869 | 54.668 |
| KO Bučje | 515 | 67 | | | 582 |
| KO Berič | | 200 | 798 | 7.410 | 8.408 |
| KO Novakovići | | 19.474 | 629 | 3.862 | 23.965 |
| KO Podkozara | 760 | 29.081 | 15.952 | 4.749 | 50.542 |
| KO Oglečeva | | | | 9.133 | 9.133 |
| KO Hadžići | | | 65.063 | 6.893 | 71.956 |
| KO Ilovača | | 2.312 | 2.541 | 31.402 | 36.255 |
| KO Kreča | 3.303 | 503 | 244.901 | 112.785 | 361.492 |
| KO Mravinjac | 1.380 | | 651 | 23.021 | 25.052 |
| KO Orahovice | | 20.037 | | 85.639 | 105.676 |
| KO Vranići | 1.395 | 221 | 549 | 102.632 | 104.797 |
| KO Podhranjen | 489 | | | 51.403 | 51.892 |
| Ukupno Općina Goražde | 8.018 | 84.690 | 341.238 | 473.140 | 907.086 |

Član 2.

U članu 8. Programa raspolaganja poljoprivrednim zemljištem u vlasništvu države na području općine Goražde mijenja se tabela 5. novom tabelom koja glasi:

Tabela 5.

| | Oranice | Voćnjaci | Livade | Ukupno m ² |
|------------------------------|--------------|---------------|----------------|--------------------------|
| KO Goražde I | | 326 | | 326 |
| KO Goražde II | 176 | 12.469 | 10.154 | 22.799 |
| KO Bučje | 515 | 67 | | 582 |
| KO Berič | | 200 | 798 | 998 |
| KO Novakovići | | 19.474 | 629 | 20.103 |
| KO Podkozara | 760 | 29.081 | 15.952 | 45.793 |
| KO Oglečeva | | | | |
| KO Hadžići | | | 65.063 | 65.063 |
| KO Ilovača | | 2.312 | 2.541 | 4.853 |
| KO Kreča | 3.303 | 503 | 244.901 | 248.707 |
| KO Mravinjac | 1.380 | | 651 | 2.031 |
| KO Orahovice | | 20.037 | | 20.037 |
| KO Vranići | 1.395 | 221 | 549 | 2.165 |
| KO Podhranjen | 489 | | | 489 |
| Ukupno Općina Goražde | 8.018 | 84.690 | 341.238 | 433.946 |

Član 3.

U članu 10. Programa raspolaganja poljoprivrednim zemljištem u vlasništvu države na području općine Goražde mijenja se tabela 6. novom tabelom koja glasi:

Tabela 6.

| | Oranice | Voćnjaci | Livade | Pašnjaci | Ukupno m ² |
|------------------------------|----------------|----------------|---------------|---------------|--------------------------|
| KO Goražde I | 19.699 | 29.079 | - | 17.160 | 65.938 |
| KO Goražde II | 136.411 | 86.725 | 32.733 | 2.866 | 258.735 |
| Ukupno Općina Goražde | 156.110 | 115.804 | 32.733 | 20.026 | 324.673 |

Broj: 01-02-1-1648

Goražde, 22.03.2012. godine

PREDSJEDAVALA VIJEĆA

Vesna Marić

0808

Na osnovu člana 174. i člana 184. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/109, člana 19. i člana 137. Zakona o zaštiti od požara i vatrogastvu nesreća („Službene novine Federacije BiH“, broj: 64/09), Odluke o uvjetima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12), člana 10. i člana 49. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Goražde („Službene novine Općine Goražde“, broj: 07/09) i člana 84. Statuta Općine Goražde („Službene novine Bosansko podrinjskog kantona Goražde“, broj 13/07), Općinsko vijeće Općine Goražde, na 39. redovnoj sjednici, održanoj dana 22.03.2012. godine, **d o n o s i:**

O D L U K U

o izmjeni i dopuni Odluke o davanju saglasnosti na Program razvoja zaštite i spašavanja od prirodnih i drugih nesreća u općini Goražde za razdoblje od 2010. do 2014. godine, broj: 01-02-2321 od 11.05.2010. godine i broj: 01-02-447 od 31.01.2012. godine

Član 1.

Ovom Odlukom daje se saglasnost na izmjene i dopune Programa razvoja zaštite i spašavanja od prirodnih i drugih nesreća u općini Goražde za razdoblje od 2010. do 2014. godine, broj: 01-02-2321 od 11.05.2010. godine i broj 01-02-447 od 31.01.2012. godine.

Član 2.

Izmjene i dopune Programa iz člana 1. Ove odluke sastavni je dio ove Odluke.

Član 3.

Ova odluka stupa na snagu osam dana od dana objavljivanja u „Službenim novinama Općine Goražde“.

Broj: 01-02-1-1652

Goražde, 22.03.2012. godine

PREDSJEDAVALA VIJEĆA

Vesna Marić

0809

Na osnovu članova 18. i 84 Statuta Općine Goražde („Službene novine Bosansko-podrinjskog kantona Goražde“ broj: 13/07), Općinsko vijeće Općine Goražde, na 39. redovnoj sjednici, održanoj dana 22.03.2012. godine, **d o n o s i:**

O D L U K U

o uspostavljanju „vijećničkog sata“ u mjesnim zajednicama na području općine Goražde

Član 1.

Ovom Odlukom definiše se uspostavljanje i način organizovanja „vijećničkog sata“ vijećnika Općinskog vijeća.

Član 2.

„Vijećnički sat“ ima za cilj da omogućiti građanima da neposredno u svojoj mjesnoj zajednici informišu općinske vijećnike o lokalnim problemima, kao i da od vijećnika budu informisani o dosadašnjim i predstojećim aktivnostima Općinskog Vijeća.

Član 3.

„Vijećnički sat“ će se održavati po potrebi u mjesnim zajednicama na području općine Goražde, a po pravilu će se održavati u danima neposredno prije dana održavanja sjednice Općinskog Vijeća, kako bi vijećnici mogli odmah na idućoj sjednici Općinskog vijeća informisati Općinsko vijeće o potencijalnim problemima u određenoj mjesnoj zajednici.

U cilju smanjenja troškova „vijećnički sat“ se može organizirati prilikom provođenja javne rasprave o nacrtu određenog općinskog propisa.

Član 4.

Zadužuje se Kolegij Općinskog vijeća Općine Goražde da utvrdi raspored vijećnika po mjesnim zajednicama. Pri utvrđivanju rasporeda, Kolegij Općinskog vijeća će uzeti u obzir broj vijećnika u Općinskom vijeću i broj mjesnih zajednica te vijećnike rasporediti u timove, osiguravajući da su vijećnici iz vijećničke pozicije i opozicije zastupljeni u svakom timu.

Usvojeni raspored „vijećničkih sati“ će odmah nakon sjednice Kolegija Općinskog vijeća biti dostavljen svim mjesnim zajednicama putem relevantnih organa te biti objavljen na lokalnim medijima i općinskoj internet-stanici.

Član 5.

Obavezuju se svi vijećnici da se prema rasporedu, utvrđenom od strane Kolegija Općinskog vijeća, i satnici pojave u prostorijama mjesne zajednice, te u istim budu dostupni građanima za konsultacije.

Ukoliko su opravdano spriječeni prisustvovati „vijećničkom satu“, vijećnici su dužni pravovremeno, a najmanje dan ranije, o tome informisati Stručnu službu Općinskog vijeća, koja će u dogovoru sa predsjedavajućom Općinskog vijeća, osigurati prisustvo drugog vijećnika u datoj mjesnoj zajednici.

Član 6.

Obavezuju se savjeti mjesnih zajednica na području općine Goražde da o vremenu održavanja „vijećničkog sata“ informišu građane

odmah po prijemu rasporeda i satnice održavanja istog, te da u vrijeme održavanja „vijećničkog sata“ u njihovoj mjesnoj zajednici omoguće vijećnicima i građanima pristup i korištenje prostorija mjesne zajednice.

Član 7.

Ova Odluka stupa na snagu danom objavljivanja u „Službenom novinama Općine Goražde“.

Broj:01-02-1-1642

Goražde: 22.03.2012.godine

PREDSJEDAVALAČA VIJEĆA

Vesna Marić

0810

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“ broj:13/07), a u vezi sa Akcionim planom projekta „Lokalno je primarno – komponenta podrška Općinskom vijeću“, Općinsko vijeće Općine Goražde, na 39. redovnoj sjednici, održanoj 22.03.2012. godine, **d o n o s i:**

O D L U K U**o utvrđivanju procedure za ocjenu rada Općinskog vijeća i vijećnika****Član 1.**

Ovom se Odlukom utvrđuju procedure za ocjenu rada Općinskog vijeća i vijećnika (u daljem tekstu Odluka).

Član 2.

Ocjenu rada predstavničkog organa i izabраниh zvaničnika-vijećnika dat će građani i udruženja, osnovana u skladu sa zakonima Bosne i Hercegovine. Ocjena rada zasniva se na dobrovoljnosti ankete.

Član 3.

Procedura za ocjenu rada Općinskog vijeća i vijećnika će se provesti putem anketne lista kojim će se provesti anketa od strane građana i udruženja u cilju transparentnosti, kao i zbog dobivanja informacija o kvalitetu i demokratičnosti rada Općinskog vijeća Goražde i izabраниh zvaničnika - vijećnika.

Član 4.

Anketni list će sadržavati tekst kojim će se tražiti od osoba iz prethodnog člana da iznesu svoje pozitivne i /ili negativne ocjene rada Općinskog vijeća, odnosno vijećnika.

Član 5.

Zadužuje se Služba za poslove Općinskog vijeća da u skladu sa članom 4. ove Odluke uredi tekst anketnog lista.

Član 6.

Zadužuje se Služba za društvene djelatnosti, opću upravu i zajedničke poslove da organizuje unutar službe da se anketni listovi popune.

Član 7.

Popunjeni anketni listovi sa urednim potpisom anketiranih lica dostavit će se Službi za poslove Općinskog vijeća, koja će na osnovu anketa uraditi za vijeće informaciju o provedenoj anketi.

Član 8.

Ova Odluka stupa na snagu danom objavljivanja u „Službenim novinama Općine Goražde“.

Broj:01-2-1-1641

Goražde, 22.03.2012.godine

PREDSJEDAVALAČA VIJEĆA

Vesna Marić

0811

Na osnovu članova 18. i 84. Statuta Općine Goražde (“Službene novine Bosansko-podrinjskog kantona Goražde”), broj: 13/07 i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog kantona Goražde“, broj: 02/00,16/06 i12/09), Općinsko vijeće Općine Goražde, na 39. redovnoj sjednici, održanoj dana 22.03.2012. godine, **d o n o s i:**

O D L U K U

o dodjeli kreditnih sredstava trgovinskoj radnji „MINIMARKET ES“ vl. Salihović Esmir iz „Namjenskog depozita Općine Goražde u cilju bržeg zapošljavanja na području općine Goražde”

Član 1.

Odobravaju se kreditna sredstva trgovinskoj radnji „MINIMARKET ES“ vl. Salihović Esmir iz „Namjenskog depozita Općine Goražde u cilju bržeg zapošljavanja na području općine Goražde“ u iznosu od 8.000,00 KM pod sljedećim uvjetima:

- Rok otplate je 36 mjeseci od dana početka korištenja kreditnih sredstava,
- Kamatna stopa je 3% godišnje, uz obračun i plaćanje mjesečno unazad, najkasnije do sedmog dana u mjesecu za protekli mjesec,
- Za dodijeljenih 8.000,00 KM korisnik kredita je obavezan uposliti jednog radnika sa kojim zaključuje ugovor o radu i zadržati ga u radnom odnosu najmanje dok traje otplata kredita.

Član 2.

Korisnik kreditnih sredstava trgovinskoj radnji „MINIMARKET ES“ vl. Salihović Esmir se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenog radnika pod uvjetima iz člana 1. ove Odluke i to obrazac od specifikacije za isplatu plaća, ovjeren od strane nadležne porezne uprave, ili uvjerenje o uplatama poreza i doprinosa za uposlenog radnika uz potpis uposlenog lica.

Član 3.

Za pokriće obaveza po osnovu izdatog kredita, u skladu sa tačkom 1. ove Odluke, trgovinska radnja „MINIMARKET ES“ vl. Salihović Esmir će obezbijediti dva žiranta prihvatljiva za Privrednu banku Sarajevo.

Član 4.

Trgovinska radnja „MINIMARKET ES“ vl. Salihović Esmir je obavezna da sredstva dugoročnog kredita vraća u jednakim mjesečnim anuitetima na transakcioni račun broj: 101140000001617 kod Privredne banke Sarajevo do sedmog dana u mjesecu.

Član 5.

U slučaju nepoštivanja odredbi ove Odluke od strane trgovinske radnje „MINIMARKET ES“ vl. Salihović Esmir, kredit se u tom momentu smatra u cijelosti dospjelim za naplatu i banka će poduzeti sve mjere za naplatu istog.

Član 6.

Ovlašćuje se načelnik Općine Goražde da zaključi ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke, kojim će se regulisati bliža prava i obaveze ugovorenih strana.

Ukoliko se ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u („Službenim novinama Općine Goražde“).

Broj: 01-02-1-1640
Goražde, 22.03.2012. godine.
PREDSJEDAVALAČA VIJEĆA
Vesna Marić

0812

Na osnovu člana 18. i člana 84. stav 1. Statuta Općine Goražde („Službene novine Bosansko-podrinjskog kantona Goražde, broj: 13/07) i člana 28. stav 1. 2. i člana 41. stav 2. Poslovnika Općinskog vijeća Općine Goražde („Službene novine Općine Goražde, broj: 2/08), Općinsko vijeće Općine Goražde, na svojoj 39. redovnoj sjednici, održanoj dana 22.03.2012. godine, **d o n o s i:**

O D L U K U
O RAZRJEŠENJU ČLANA KOMISIJE ZA
PITANJA MLADIH
OPĆINSKOG VIJEĆA OPĆINE GORAŽDE

I.

EDIN AGANOVIĆ se razrješava sa funkcije člana u Komisiji za pitanja mladih.

II.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-1638
Goražde, 22.03.2012. godine
PREDSJEDAVALAČA VIJEĆA
Vesna Marić

0813

Na osnovu člana 18. i člana 84. stav 1. Statuta Općine Goražde („Službene novine Bosansko-podrinjskog kantona Goražde, broj: 13/07) i člana 28. stav 1. i 2. Poslovnika Općinskog vijeća Općine Goražde („Službene novine Općine Goražde, broj: 2/08), Općinsko vijeće Općine Goražde, na svojoj 39. redovnoj sjednici, održanoj dana 22.03.2012. godine, **d o n o s i:**

O D L U K U
O IMENOVANJU ČLANA KOMISIJE ZA
PITANJA MLADIH
OPĆINSKOG VIJEĆA OPĆINE
GORAŽDE

I.

MIRZA BUKALO imenuje se za člana Komisije za pitanja mladih.

II.

Ova Odluka stupa na snagu osmog dana od dana objavljivanja u („Službenim novinama Općine Goražde“).

Broj: 01-02-1-1639
Goražde, 22.03.2012. godine
PREDSJEDAVALAČA VIJEĆA
Vesna Marić

814

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i člana 119. Poslovnika Općinskog vijeća Općine Goražde („Službene novine Općine Goražde“, broj:2/08), Općinsko vijeće Općine Goražde, na 39. redovnoj sjednici, održanoj dana 22.03.2012. godine, **d o n o s i:**

ODLUKU

o putovanju dječijeg folklornog KUD „AZOT“
Vitkovići, Ansambla narodnih pjesama i igara
J.U. “Centar za kulturu” Goražde i delegacije
Općine Goražde na „Međunarodni festival
djeteta“ u Izmir – Turska

I

Odobravaju se troškovi odlaska članova dječijeg folklornog KUD „AZOT“ Vitkovići, Ansambla narodnih pjesama i igara J.U. “Centar za kulturu” Goražde i delegacije Općine Goražde na

XV.,Međunarodni festival djeteta“ u Izmir – Turska, do 44 osobe prema pozivu Općine Gaziemir.

II

Troškovi putovanja do 44 osobe obuhvataju prevoz autobusom do Izmira, osiguranje i troškove dnevnica.

III.

Putovanje će trajati od 19.04.2012 godine do 28.04.2012. godine.

IV.

Sastav ansambla i delegacije Općine Goražde usaglasit će Načelnik Općine i Kolegij Općinskog vijeća.

V.

Ova Odluka stupa na snagu danom objave u “Službenim novinama Općine Goražde”.

Broj: 01-02-1643

Goražde, 22.03.2012.godine

PREDSJEDAVALAČI VIJEĆA

Vesna Marić

0815

Na osnovu člana 13. Zakona o principima lokalne samouprave u Federaciji Bosne i Hercegovine (“Službene novine FBiH” broj: 49/06), te člana 18. i 84. Statuta općine Goražde (“Službene novine Bosansko-podrinjskog kantona Goražde“ broj: 13/07), Općinsko vijeće Općine Goražde na 39.redovnoj sjednici održanoj dana 22.03.2012. godine, **d o n o s i:**

O D L U K U

o ovlaštenju Načelnika Općine Goražde za kupovinu zemljišta

Član 1.

Ovlašćuje se Načelnik općine Goražde da u ime Općine Goražde učestvuje u postupku javne prodaje nekretnina - građevinskog zemljišta, u katastarskom operatu označenog kao k.č. 2547/1, k.č. 2548, k.č. 2582, u ukupnoj površini od 4.510 m², koje su upisane u P.l. broj: 82/04 i u Z.k.u. br. 82, K.o. Ilovača kao vlasništvo Zemljoradničke zadruge “Zadrugar” – Goražde, sa 1/1 dijela posjeda, radi pribavljanja istog u korist Općine Goražde.

Član 2.

Javnu prodaju nekretnina iz člana 1. ove Odluke vršiće Porezna uprava FBiH – Kantonalni porezni ured - Goražde putem aukcije, u skladu sa odredbama Zakona o poreznoj upravi (“Službene novine FBiH” br. 33/02, 28/04, 57/09 i 40/10) i Pravilnika o procedurama prinudne naplate poreznih obaveza (“Službene novine FBiH” br. 50/02, 54/03 i 31/11).

Član 3.

Ovlašćuje se Načelnik općine Goražde da u postupku javne prodaje građevinskog zemljišta iz člana 1. ove Odluke poduzima sve druge potrebne radnje radi kupovine i pribavljanja ovog zemljišta u vlasništvo Općine Goražde, po cijeni koja neće biti veća od tržišne cijene nekretnina za navedeni lokalitet.

Član 4.

Načelnik općine Goražde će nakon provedenog postupka javne prodaje građevinskog zemljišta iz člana 1. ove Odluke izvijestiti Općinsko vijeće o rezultatima aukcije i eventualnom pribavljanju ovog zemljišm u korist Općine Goražde.

Član 5.

Ova Odluka stupa na snagu osmog dana od dana objavljivanja u “Službenim novinama Općine Goražde”.

Broj: 01-02-1-1644

Goražde, 22.03. 2012. godine

PREDSJEDAVALAČA VIJEĆA:

Marić Vesna

0816

Na osnovu odredaba člana 25. Zakona o građevinskom zemljištu FBiH ("Službene novine Federacije Bosne i Hercegovine" broj: 25/03) i članova 18. i 84. Statuta Općine Goražde ("Službene novine Bosansko-podrinjskog kantona Goražde", broj:13/07) i zahtjeva Pljevaljak Fehrije i Pljevljak Meha iz Goražda, Općinsko vijeće Općine Goražde, na 39. redovnoj sjednici, održanoj dana 22.03.2012. godine, **d o n o s i:**

Z A K L J U Č A K

Član 1.

ODBIJA SE ponuda Pljevljak (Fehima) Fehrije i Pljevljak (Zuhdije) Meha iz Goražda za preuzimanje neizgrađenog gradskog građevinskog zemljišta u državnoj svojini, koje je u katastarskom operatu označeno kao k.č.2615, a upisano u Pl. br.1133/04 KO Goražde I, jer ne postoji interes Općine Goražde da koristi prvenstveno pravo preuzimanja navedenog zemljišta.

Član 2.

Podnosilac zahtjeva ne može izvršiti otuđenje zemljišnih parcela iz člana 1. ovog Zaključka ispod cijene u iznosu od 4.500,00 KM za površinu od 84 m², o čemu će se starati Porezna uprava - Kantonalni ured Goražde – Ispostava Goražde, kao mjesno nadležni organ uprave.

Član 3.

Zadužuje se Služba za geodetske, imovinskopravne poslove i katastar nekretnina Općine Goražde da ovaj Zaključak dostavi nadležnom organu iz člana 2. ovog Zaključka.

Član 4.

Ovaj Zaključak stupa na snagu danom donošenja.

Broj: 01-05-1-1658

Goražde, 22.03.2012.godine

PREDSJEDAVALAČA VIJEĆA

Vesna Marić

0817

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset devetoj redovnoj sjednici, održanoj dana 22.03.2012. godine,

d o n o s i:

Z A K L J U Č A K

1. Odobrava se kupovina vozila za čišćenje ulica putem lizinga sa periodom otplate od pet godina, čija ukupna vrijednost će iznositi do 150.000, 00 KM
2. Sredstva za nabavku vozila iz člana 1. ovog Zaključka obezbjedit će se iz Budžeta Općine Goražde.
3. Nabavka vozila iz člana 1. ovog Zaključka izvršit će se u skladu sa Zakonom o javnim nabavkama Bosne i Hercegovine.
4. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-1656

Goražde, 22.03.2012. godine

PREDSJEDAVALAČA VIJEĆA

Vesna Marić

0818

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset devetoj redovnoj sjednici, održanoj dana 22.03.2012. godine,

d o n o s i:

Z A K L J U Č A K

1. Prijedlog odluke o postavljanju spomen-ploče žrtvama fašizma 1941 – 1945. i 1992 – 1995. godine, se povlači; donošenje propisa odlaže se u skladu sa članom 146. Poslovnika Općinskog vijeća Općine Goražde, a na prijedlog podnosioca prijedloga.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-1660

Goražde, 22.03.2012. godine

PREDSJEDAVALAČA VIJEĆA

Vesna Marić

0819

Na osnovu odredbi člana 25. Zakona o građevinskom zemljištu FBiH ("Službene novine Federacije Bosne i Hercegovine" broj: 25/03), članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07) i zahtjeva Pljevaljčić Uroša iz Goražda, Općinsko vijeće Općine Goražde, na 39. redovnoj sjednici, održanoj dana 22.03.2012. godine,

d o n o s i:

Z A K L J U Č A K

Član 1.

ODBIJA SE ponuda Pljevaljčić (Mihajla) Uroša iz Goražda za preuzimanje neizgrađenog gradskog građevinskog zemljišta u državnoj svojini, koje je u katastarskom operatu označeno kao k.č. 1038/2 i k.č. 1038/3, a upisano u Pl. br.527/02 KO Goražde II, jer ne postoji interes Općine Goražde da koristi prvenstveno pravo preuzimanja navedenog zemljišta.

Član 2.

Podnosilac zahtjeva ne može izvršiti otuđenje zemljišnih parcela iz člana 1. ovog Zaključka ispod cijene u iznosu od 17.000,00 KM za površinu od 575 m², o čemu će se starati Porezna uprava - Kantonalni ured Goražde – Ispostava Goražde, kao mjesno nadležni organ uprave.

Član 3.

Zadužuje se Služba za geodetske, imovinskopravne poslove i katastar nekretnina Općine Goražde da ovaj Zaključak dostavi nadležnom organu iz člana 2. ovog Zaključka.

Član 4.

Ovaj Zaključak stupa na snagu danom donošenja.

Broj: 01-05-1-1657

Goražde, 22.03.2012.

PREDSJEDAVALAČA VIJEĆA

Vesna Marić

0820

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset devetoj redovnoj sjednici, održanoj dana 22.03.2012. godine,

d o n o s i:

Z A K L J U Č A K

1. Da komisija formirana od strane načelnika Općine Goražde izađe na teren i na licu mjesta utvrdi činjenično stanje na putnim komunikacijama na području općine Goražde poslije prirodne nesreće.
2. Rok za realizaciju ovog Zaključka je do 60 dana.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-1655

Goražde, 22.03.2012. godine

PREDSJEDAVALAČA VIJEĆA

Vesna Marić

0821

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset devetoj redovnoj sjednici, održanoj dana 22.03.2012. godine,

d o n o s i:

Z A K L J U Č A K

1. Tačka dnevnog reda *Razmatranje vijećničkih inicijativa* se povlači; donošenje propisa odlaže se u skladu sa članom 146. Poslovnika Općinskog vijeća Općine Goražde, a na prijedlog podnosioca prijedloga.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-1661

Goražde, 22.03.2012. godine

PREDSJEDAVALAČA VIJEĆA

Vesna Marić

0822

NAREDBU

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset devetoj redovnoj sjednici, održanoj dana 22.03.2012. godine, **donosi:**

ZAKLJUČAK

1. Prijedlog odluke o odobrenju za podnošenje tužbe za naknadu štete protiv HE „Piva“ za naknadu štete nastale usljed poplavnog vala u periodu od 01. do 04.12.2010. godine na području općine Goražde, se povlači; donošenje propisa odlaže se u skladu sa članom 146. Poslovnika Općinskog vijeća Općine Goražde, a na prijedlog podnosioca prijedloga.
2. Nalaže se Općinskom pravobranioocu da dostavi vijećnicima mišljenje o upuštanju u ovaj sudski postupak i podizanje tužbe za naknadu štete protiv HE „Piva“, na osnovu pokazatelja koji su potrebni za davanje ovakvog mišljenja, a koje je potrebno dostaviti pravobranioocu.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-1659

Goražde, 22.03.2012. godine

PREDSJEDAVALA VIJEĆA

Vesna Marić

0823

Na osnovu člana 108. i člana 134. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj: 39/03, 22/06 i 43/10), člana 29. stav 1. tačka 2. Pravilnika o načinu rada i funkcionisanja štabova i povjerenika civilne zaštite („Službene novine Federacije BiH“, broj: 77/06 i 05/07), člana 23. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Goražde („Službene novine Općine Goražde“, broj: 7/09), u skladu sa Zaključkom o neposrednoj opasnosti od nastanka prirodne ili druge nesreće zbog visine snježnog pokrivača na području općine Goražde, broj: 01/ 04 V/01 od 04.02.2012. godine, Štab civilne zaštite Općine Goražde, na 4. vanrednoj sjednici, održanoj dana 04.02.2012. godine, donosi:

I

Naređuje se angažovanje svih snaga civilne zaštite, ljudstva i mehanizacije – svih uposlenika u organima uprave, privrednih društava i drugih pravnih subjekata i građana sa područja općine Goražde na čišćenju i rasčišćavanju snijega i snježnih nanosa sa ulica, putnih komunikacija i javnih površina na području općine Goražde.

II

Za realizaciju navedenog zadužuju se Služba za prostono uređenje, stambeno -komunalne poslove i raseljena lica i Služba za civilnu zaštitu i mjesne zajednice Općine Goražde.

III

Obavezuju se zaduženi za izvršenje Naredbe da o toku i po okončanju aktivnosti poduzetih na realizaciji Naredbe redovno izvještavaju Općinski štab civilne zaštite.

IV

Rok za realizaciju Naredbe je odmah.

Broj:10-44-546/12

Goražde, 04.02.2012. godine

KOMANDANT ŠTABA

mr. sci. Muhamed Ramović

0824

Na osnovu članova 29. i 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“: broj: 39/03, 22/06 i 43/10), člana 11. tačka 7. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području Općine Goražde („Službene novine Općine Goražde“: broj: 7/09) i člana 85. Statuta Općine Goražde („Službene novine Bosansko-podrinjskog kantona Goražde“, broj: 13/07), po prijedlogu Općinskog štaba civilne zaštite Općine Goražde, načelnik Općine, donosi:

ODLUKU

o proglašenju stanja prirodne nesreće na području općine Goražde uzrokovane velikim snježnim padavinama i niskim temperaturama

I

Proglašava se stanje prirodne i druge nesreće na području općine Goražde uzrokovane velikim snježnim padavinama i niskim temperaturama.

II

Radi zaštite ljudi i materijalnih dobara na ugroženom području, načelnik Općine Goražde određuje:

- da sve općinske službe, upravne organizacije, pravni subjekti i druge institucije stave na raspolaganje Općinskom štabu civilne zaštite Općine Goražde sve resurse koji će se prema planovima zaštite i spašavanja ljudi i materijalnih dobara (u daljem tekstu: planovi) koristiti na ugroženim područjima;
- prema općinskom planu u svim općinskim službama, javnim ustanovama i preduzećima odmah uvesti neprekidno dežurstvo radi izvršavanja naredbi Općinskog štaba;
- U skladu sa Općinskim planom i zahtjevima sa ugroženog područja, zadužuje se Općinski štab civilne zaštite da izvrši aktiviranje odgovarajućih općinskih službi zaštite i spašavanja i općinskih jedinica civilne zaštite, a po potrebi i drugih pravnih subjekata, javnih preduzeća i građana radi pružanja pomoći na ugroženom području.

III

Troškovi koji nastanu angažovanjem Općinskog štaba civilne zaštite, općinskih službi i općinskih jedinica te dodatnim planskim angažovanjem nedostajućih resursa za spašavanje tokom provođenja akcija zaštite i spašavanja pokrit će se iz Budžeta Općine Goražde, iz sredstava planiranih za zaštitu i spašavanje, a nedostajuća sredstva iz budžetskih rezervi i drugih finansijskih izvora, u skladu sa važećim propisima.

IV

Zadužuje se Općinski štab civilne zaštite da, u skladu sa Općinskim planom i važećim zakonskim propisima, preuzme sve aktivnosti oko koordinacije i rukovođenja akcijama zaštite i spašavanja na ugroženom području.

V

Obavezuju se svi rukovodioci općinskih službi za upravu i rukovodioci javnih preduzeća i ustanova i drugih pravnih lica i institucija da osiguraju provođenje naredbi Štaba civilne zaštite (pružanjem pomoći i podrške u logističkim i komunalnim potrebama, evakuaciji, zbrinjavanju ugroženog stanovništva i materijalnih dobara, snabdijevanju stanovništva živežnim namirnicama, higijenskim potrepštinama te medicinskom zbrinjavanju povrijeđenih i oboljelih stanovnika).

VI

Zadužuje se nadležni organ u Općini da, u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj: 75/04,

38/06, 52/09 i 58/09), aktivira Komisiju za procjenu šteta radi izvršavanja svojih zadataka u skladu sa navedenom Uredbom.

VII

Odluka stupa na snagu danom donošenja i ista će se objaviti u „Službenim novinama Općine Goražde“.

VIII

Ova Odluka će biti objavljena putem printanih i elektronskih sredstava informisanja.

Broj: 02-44-609/12

Goražde, 07.02.2012. godine

KOMANDANT ŠTABA

mr. sci. Muhamed Ramović

0825

Na osnovu člana 29. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“: broj:39/03, 22/06 i 43/10), člana 33. Pravilnika o načinu rada i funkcionisanja štabova i povjerenika civilne zaštite („Službene novine Federacije BiH“, broj: 77/06 i 05/07), člana 11. tačka 7. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Goražde („Službene novine Općine Goražde“ broj: 7/09) i člana 85. Statuta Općine Goražde („Službene novine Bosansko-podrinjskog kantona Goražde“, broj: 13/07), po prijedlogu Općinskog štaba civilne zaštite Općine Goražde, načelnik Općine donosi:

ODLUKU

o prestanku stanja prirodne nesreće na području općine Goražde

I

Ovom se Odlukom ukida stanje prirodne nesreće na području općine Goražde uzrokovano velikim snježnim padavinama i niskim temperaturama, proglašeno Odlukom broj: 02-44-609/12 od 07.02.2012. godine.

II

Zadužuje se Općinski štab civilne zaštite da i dalje prati stanje na ugroženom području i da na bazi istog utvrđuje obim i potrebe za angažovanjem snaga i sredstava civilne zaštite.

III

Utvrđuje se rok Općinskoj komisiji za procjenu šteta da u roku od najviše 20 (dvadeset) dana od dana stupanja na snagu ove Odluke, izvrši procjenu šteta na području Općine Goražde

uzrokovanih velikim snježnim padavinama i niskim temperaturama.

IV

Ova Odluka stupa na snagu danom donošenja, ista će biti saopćena putem sredstava javnog informisanja, a naknadno objavljena u "Službenim novinama Općine Goražde".

Broj: 02-44-4-813
Goražde, 15.02.2012. godine
KOMANDANT ŠTABA
mr. sci. Muhamed Ramović

0826

- **Upravitelj zgrada - Goraždestan d.o.o.,**
- **Javna preduzeća na području općine Goražde,**
- **Javne ustanove na području općine Goražde,**
- **Privredni subjekti na području općine Goražde,**
- **Ostalim pravnim licima na području općine Goražde i**
- **fizičkim licima sa područja općine Goražde**

PREDMET: Naredba

Na osnovu člana 108. i člana 134. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine F BiH", broj: 39/03, 22/06 i 43/10), člana 29. stav 1. tačka 2. Pravilnika o načinu rada i funkcionisanja štabova i povjerenika civilne zaštite („Službene novine Federacije BiH“, broj: 77/06 i 05/07), člana 23. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Goražde („Službene novine Općine Goražde“, broj:7/09), Odluke o proglašenju stanja prirodne nesreće na području općine Goražde uzrokovane velikim snježnim padavinama i niskim temperaturama broj:02-44-609/12 od 07.02.2012. godine i Naredbe Federalnog Štaba civilne zaštite broj: 11-49/1-221/12 od 13.02.2012. godine, Štab civilne zaštite Općine Goražde, na 4. vanrednoj sjednici, održanoj dana 14.02.2012. godine, donosi:

NAREDBU

1. Naređuje se upravitelju zgrada - Goraždestan d.o.o., javnim preduzećima i ustanovama, privrednim subjektima, ostalim pravnim licima i fizičkim licima sa područja općine Goražde da preduzmu

aktivnosti na utvrđivanju realnog rizika od urušavanja i oštećenja i uklanjanja snježnih nanosa sa objekata koji su u njihovom vlasništvu ODMAH, kako bi spriječili opasnost po sigurnost ljudi i materijalnih dobara.

2. Subjekti utvrđeni u tački 1. ove Naredbe obavezni su voditi računa da uklanjanje snijega sa krovova vrše osposobljena lica za kretanje na krovnim konstrukcijama iz građevinske struke te da primijene odgovarajuće sigurnosne mjere za lica koja uklanjaju snijeg, odnosno lica koja se kreću oko objekata za vrijeme uklanjanja snijega.
3. Za izvršenje ove naredbe odgovorni su upravitelj zgrada - Goraždestan d.o.o., javna preduzeća i ustanove, privredni subjekti, ostala pravna lica i odgovorna lica u istim, kao i fizička lica utvrđena u tački 1. ove Naredbe.

Broj:10-44-788 /12
Goražde, 14.02.2012. godine
KOMANDANT ŠTABA
mr. sci. Muhamed Ramović

0827

Na osnovu člana 108. i člana 134. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine F BiH", broj: 39/03, 22/06 i 43/10), člana 29. stav 1. tačka 2. Pravilnika o načinu rada i funkcionisanja štabova i povjerenika civilne zaštite („Službene novine Federacije BiH“, broj: 77/06 i 05/07), člana 23. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Goražde („Službene novine Općine Goražde“, broj:7/09) i Naredbe Federalnog Štaba civilne zaštite broj: 11-49/1-212/12 od 14.02.2012. godine, Štab civilne zaštite Općine Goražde, na 4. vanrednoj sjednici, održanoj dana 15.02.2012. godine, donosi:

NAREDBU

1. Naređuje se Službi za prostorno uređenje, stambeno-komunalne poslove i raseljena lica da angažuje uposlenike u stručni tim za kontinuirani monitoring na klizištima na području općine Goražde, kako slijedi:
 1. Kazagić Rasim – predsjednik,
 2. Alihodžić Mirhad – član.

2. Naređuje se JKP „6. mart“ Goražde da angažuje uposlenika u stručni tim za kontinuirani monitoring na klizištima na području općine Goražde, kako slijedi:
 1. Perla Rifet – član.
3. Monitoring klizišta na području općine Goražde izvršit će se po utvrđenoj Listi klizišta, odrona i potencijalno ugroženih zona sa visokim stepenom opasnosti po ljudske živote i materijalna dobra (izvod iz Procjene ugroženosti ljudi i materijalnih dobara Općine Goražde), koja se nalazi u prilogu ove Naredbe.
4. Izveštaj o izvršenom monitoringu klizišta na području općine Goražde redovno dostavljati svakog dana do 8,30 sati Operativnom centru civilne zaštite Općine Goražde.
5. Ova Naredba stupa na snagu danom donošenja.

Broj: 10-44-5-1204 /12
Goražde, 15.02.2012. godine
KOMANDANT ŠTABA
mr. sci. Muhamed Ramović

SADR@AJ

Strana

| | | |
|---------------|--|-----|
| 0803 | ODLUKU o dodjeli nagrade Općine Goražde učenicima i studentima, mladima i udruženjima mladih sa područja općine Goražde | 573 |
| 0804 | ODLUKU o utvrđivanju prosječne konačne cijene 1 m ² izgrađene korisne stambene površine za 2012. godinu na području Općine Goražde | 573 |
| 0805 | ODLUKU o dopuni Odluke o komunalnoj čistoći | 574 |
| 0806 | ODLUKU o raspisivanju javnog poziva za zakup poljoprivrednog zemljišta u vlasništvu države na području općine goražde | 574 |
| 0807 | ODLUKA o izmjenama programa raspolaganja poljoprivrednim zemljištem u vlasništvu države na području općine goražde | 575 |
| 0808 | ODLUKU o izmjeni i dopuni Odluke o davanju saglasnosti na Program razvoja zaštite i spašavanja od prirodnih i drugih nesreća u općini Goražde za razdoblje od 2010. do 2014. godine, broj: 01-02-2321 od 11.05.2010. godine i broj: 01-02-447 od 31.01.2012. godine | 577 |
| 0809 | ODLUKU o uspostavljanju „vijećničkog sata“ u mjesnim zajednicama na području općine Goražde | 577 |
| 0810 | ODLUKU o utvrđivanju procedure za ocjenu rada Općinskog vijeća i vijećnika | 578 |
| 0811 | ODLUKU o dodjeli kreditnih sredstava trgovinskoj radnji „MINIMARKET ES“ vl. Salihić Esmir iz „Namjenskog depozita Općine Goražde u cilju bržeg zapošljavanja na području općine Goražde“ | 579 |
| 0812 | ODLUKU o razrješenju člana komisije za pitanja mladih općinskog vijeća općine goražde | 580 |
| 0813 | ODLUKU o imenovanju člana komisije za pitanja mladih općinskog vijeća općine goražde | 580 |
| 0814 | ODLUKU o putovanju dječijeg folklornog KUD „AZOT“ Vitkovići, Ansambla narodnih pjesama i igara J.U. "Centar za kulturu" Goražde i delegacije Općine Goražde na „Međunarodni festival djeteta“ u Izmir – Turska | 580 |
| 0815 | ODLUKU o ovlaštenju Načelnika Općine Goražde za kupovinu zemljišta | 581 |
| 0816- 0827 | ZAKLJUČAK – NAREDBE - ODLUKE | 582 |
| | | |

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik: sekretar Općinskog vijeća Općine Goražde, Samir Kanlić, tel: +38738221161 i pomoćnik načelnika Službe za javne servise i tehničke poslove, Sanid Zirak, tel: +38738221796.

Štampa **GRAFOMERX** Goražde.